

## Sapu

---

**Nos tur huntu ta meskos ku sapu den un panchi keintando pokopoko. Tiki tiki e temperatura ta keda subi. Nos no ta ripará esaki. Te ora e awa kushi. E ora ei nos ta sapu kushí. Masha dia desaroyo teknológiko a brasa nos manera un baño kayente. Ta algu inevitabel ku e awa lo yega te na e punto di herebé. Meskos riba tereno di corporate governance.**

Mientrastantu nos a yega dje leu ei ku diferente empresa a nombra un robòt komo miembro di nan hunta di direktiva (por ehèmpel e robòt VITAL den e kompania Deep Knowledge Ventures na Hong Kong). Tur kos lo bira mihó e ora ei? No mas inkompetensia, no mas weganan di poder, no mas gastamentu di tempu i sèn? Mare tabata asina. Laga nos analisá algun malkompondementu.

Robòtnan no ta sernan super ku parse hende i ku tin kabes i mannan di metal. Robòtnan ta strukturanan mekániko òf virtual ku ta funshoná a base di algoritmo. E strukturanan akí ta parse un hende solamente na momentu ku nos hinka nan den un kapa di latèks i laga nan parse un muhé bunita, pero ainda esaki no ta hasi nan muhénan bunita. Robòtnan ta tur kaminda rondó di nos. Nan ta varia di inteligensia artifisial diagnóstiko ku awendia riba hopi tereno ya kaba ta mas presis ku e radiólogonan di mas kapasidatá te outonan ku ta manehá nan mes, dronenan bringadó, robòtnan doméstiko i di kuido, i si, te hasta robòtnan di sèks. Robòtnan no-virtual ta por ehèmpel malware ku ta kompletamente independiente i ku mundialmente ta infektá tur kòmputeri- i laptopnan no-protehá ku un efisiensia optimal, djis pasó e algoritmo ta trahá di tal manera.

Ekspertonan ta ferwagt ku nos lo yega e momentu ku e 'robòtnan' akí lo ta mas ábil, sabí, lihé i efektivo ku hende, un kaminda entre 2030 i 2050. E momentu akí (nan ta yam'é tambe Singularity òf 'superinteligensia') ta nifiká hopi kos. E ora ei e sistemanan inteligente di siñansa propio akí lo tin e mesun tipo di relashon ku nos ku esun ku nos tin ku chimpansé. Nos por pensa riba e pregunta si un chimpansé lo tin derechi di eksistensia ainda i no alreves.

E filósofo di Inteligencia Artifisial, Nick Bostrom (Oxford University) ta boga pa frena e desaroyo un tiki di sistemanan inteligente di siñansa propio pa medio di regulashonnan mundial. Esaki lo duna nos chèns pa pensa mas mihó riba posibel pedalnan di brek i kódigonan di paro den e desaroyo akí.

Nombramentu di VITAL komo atministradó, banda di ta un bon akshon publisitario, ta un aplikashon di Inteligencia Artifisial den salanan gerensial ku ta prinsipalmente deskabeyá i te hasta engañoso. Di pursi, mashá tempu kaba, mas i mas nos ta hasiendo uzo di sistemanan outomatisá pa asina tuma nos desishonnan, inkluso esnan den salanan gerensial, na un manera mas efikas i mas rashonalmente fundá. Pa esaki bo no tin mester di niun kompai artifisial ku parse un kolega

---

administradó i ku, sintá na mesa serka bo, ta dunabo e informashon ku bo mes tambe lo por a lesa riba bo iPad.

Bèrdat t'asina ku sistemanan inteligente di siñansa propio, na un manera mas rápido i efektivu, lo por duna hopi kòntrol i evaluashon finansiero, kompará ku e manera ku un accountant di kompania ta hasi esaki. Sinembargo, e ora ei e sistemanan akí lo duna e informashon ku e 'finansial literate' den direktiva òf den hunta di komisario ta uza pa hasi su trabou mihó. Meskos ta konta pa e radiólogo ku ta uza un programa inteligente di siñansa propio pa asina optimalisá nivel di su diagnóstiko. Su trabou i uzo di tempu lo kambia dor di e robòtnan akí i huntu ku esaki, su funshon tambe lo kambia. Te asina leu e di dos revolushon 'industrial' akí ta parse esun promé. Despues di e promé revolushon industrial no tabatin iladó mas. Ta mashin tabata hasi e trabou akí. Sinembargo, e hende muhénan ku, den Inglatera di siglo diesocho, tabata sinta ila tras di aparato di ila, awendia ta e hende muhénan ku den fábrikanan ta desaroyá i operá aparatonan teknológiko di ekselente kalidat ku ta produsí tehidonan. Ke men, si nos hasi e kos na un manera korekto, lo no sosodé ku un robòt lo bin kue nos lugá. Nos lo bai funshoná yùist mas mihó dor di sistemanan inteligente di siñansa propio. Sí t'asina ku nos mester bai pensa mas mihó riba desaroyo i strukturashon di esaki, e governance. Sino nos lo kushi meskos ku un sapu. Dankidjo nos lo no ripará esak



[Frank Kunneman](#)

VanEps Kunneman VanDoorne  
Attorney at law | Partner

T +5999 461 3400 ext. 254

E [kunneman@vandoorne.com](mailto:kunneman@vandoorne.com)

---